



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Florentina. In Florenitam J. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



FLORENTINA.
IN FLORENTIAM J. CÆS.
SCALIGER.

*P*arva fluentisonis aggesta Fluenta ripis
Mollia de nitido nomina Flore capit.
Fasula regnabat: verum meliora sequutus
Martius antiquas detulit amnis opes:
Divitias Hera: Mercurius discrimina lingua:
Mercurius varias ire redire vias:
Ambitiosa, ferox, bellacia, flammea, Mavors
Pectora magnificam docta Minerva manum:
Juppiter ostendit caelestes mentibus aulās:
Sirenū tribuit dulcis Apollo sonum.
Vera vetus Roma soboles, aliena requiris:
Mutua qua proprias vertis ad arma manus.

INSCRIPTIONES.

IN S. MARIAE REPARATAE.

Ad perpetuam rei memoriam.

Generali Concilio Florentiæ celebrato, post longas disputationes unio Græcorum facta est in hac ipsa Ecclesia, die VI. Julii, Anno 1430. Præsidente eidem Concilio Eugenio P. P. II. cum Latinis Episcopis & Prælati: & Imp. Constantinopolitano, cum Episcopis & Prælati ac Proceribus Græcorum in copioso numero, sublatisq; erroribus, in unam eandemq; rectam fidem, quam Romana tenet Ecclesia, consenserunt.

Ibidem ad lavam.

Ob insignem magnificentiam civitatis & templi, Eugenius P. P. IV. omni solemnitate adhibita dedicavit, die 25. Martii, anno 1436. cujus dedicationis gratiâ pons ligneus insigni magnificentia & ornatu factus est ab Ecclesia S. Mariæ novellæ, ubi P. P. inhabitabat, usque ad Ecclesiam

siam

FLORENTINA.

105

fiam hanc, per quem veniens Pontifex cum Cardinalibus & Episcopis, cæterisque proceribus, pontificali habitu ad dedicandum accessit. Tanta enim multitudo ad spectandum convenerat, ut præ nimia turba vias obsidente, nisi per Pontem commodè transire Pontifex non potuerit.

AD MARIAE DE FLORE.

Ille ego sum per quem pictura extincta revixit,

Cui quàm recta manus tam fuit & facilis.

Natura deerat nostra quod defuit arti,

Plus licuit nulli pingere nec meliùs.

Miraris turrim egregiam sacro are sonantem,

Hæc quoq; de modulo crevit ad astra meo.

Deniq; sum Jottus, quid opus fuit ista referre?

Hoc nomen longi carminis instar erat.

Obiit anno 1336. cives P.P.B.M. Anno 1490.

TUMULUS VERII MEDICIS.

Verius Medices, Eques opibus & gentis nobilitate clarus, sed & probitate & publicæ quietis studio clarior, hæc quiescit humo. Locus meriti honoris ergo uni & viventi datus opt. civi. Vixit annos LXXII. m. 8. d. 20. Obiit Ann. salutis M. CCC. VC.

AD LAURENTII.

Offa Cosmi magni Ducis Hetruriæ in pusillo hoc busto pro tempore deposita sunt, in quo & Eleonoræ uxoris sita erant: ut simul honesto tumulo condantur, uti in vita semper mutuo amore juncti fuere.

ITEM.

Petro & Johanni de Medicis Cosmi P.P.F.H. M.H.N. S. Laurentius & Julius Petri F.F.P.P. patri, patruo, Anno 1471. Petrus vixit annos 53. m. 5. d. 15. Joannes ann. 42. m. 4. d. 24.

ITEM.

Cosmus de Medicis hîc situs est, decreto publico pater patriæ. Vixit annos 75. m. 3. d. 20.

G V

FLORENTINA.

IN S. MARIA NOVA SUB
 imagine Christi.

*Vinctus, inops, moriens vera te morte redemi,
 Hospes adorato numine gratus abi.*

IN S. MARCI.

*Joannes jacet hic Mirandula. cetera norunt,
 Et Tagus & Ganges, forsitan & Antipodes.*

Ob. Anno sal. 1494. vixit annos 32. Hieronymus Benevenius, ne disjunctus post mortem locus ossa separet, quorum animos in vita conjunxit amor, hac humo supposita poni curavit. Anno S. 1542. Vixit annos 89. m. 6.

ANTE PORTAM ARCIS.

Quod faustum felixq; sit: Carolus v. Rom. Imp. ex Africa rediens, cum Alexandrum Medices Florentinorum Ducem, generum suum, extructa jam reliqua arce, turris hujus fundamenta locantem reperisset, primum victrici manu lapidem ponere non dedignatus est. Anno 1536.

IN S. LAURENTII.

Pauli Jovii Novocomensis, Episcopi Nucerini, historiarum scriptoris celeberrimi, hic deposita sunt ossa, donec eximia ejus virtute dignum erigatur sepulcrum. Vixit annos LXXVIII. m. VII. d. XXIII. Obiit 3. Id. Decemb. Anno 52.

*Heic latet heu Jovius, Romana gloria lingua,
 Par cui non Crispus, non Patavinus erat.*

Ibidem hodie legitur:

Paulo Jovio Novocomen. Episcopo Nucerino, historiarum sui temporis scriptori, sepulcrum, quod sibi testamento decreverat, posterius ejus integra fide posuerunt, indulgentiam maxx. Ducum Cosmi & Francisci Hetruriae Ducum. Anno 1574.

Ibidem:

D. O. M.

Antonii Cioffi imago hæc est, Jurisconsulti celeberrimi, atq;

mi, atq; omni polita doctrina exculsi. utrumq; Jus spacio
30. annorum Pisis voce subtiliter interpretatus est, quod
etiam scriptis suis acuminis & elegantiae plenis illustra-
vit. Immatura viri subitaq; mors ingentem dolorem at-
tulit familiaribus & studiosis scientiae Legum, orbatis re-
pente & recondita magni Doctoris eruditione, & morum
suavitate singulari.

*Julianus frater monumentum hoc, loco impetra-
to à Magno Duce Francisco, summo amato-
re ipsius, honoris hominis causa extruendum
curavit. Vixit annos 55. menses 10. dies 3.
Obiit Pisis 6. Cal. Jan. 1575.*

TUMULUS MARSILII FICINI.

*En hospes, hic est Marsilius Sophia pater,
Platonicum qui dogma culpâ temporum
Situ obrutum illustrans, & Atticum decus
Servans, Latio dedit fores primus sacras,
Divina aperiens mentis actus numine.
Vixit beatus ante Cosma munere,
Laurig, Medicis. nunc revixit publico.*

S.P.Q.F. Anno 1521.

AD MARIAE DE FLORE.

Quantum Philippus de Burnebesco Architectus arte
Dadalea valuerit, cum hujus celeberrimi mira testudo
templi, tum plures machinae divino ingenio ab eo adin-
ventae documenta esse possunt: quapropter ob eximias
animi sui dotes, singularesq; virtutes, xv. Cal. Majas An-
no 1444. ejus B. M. corpus in hac humo, superstita grata
patria sepeliri iussit.

IN PALATIO DUCIS, STATUA EST ANTIQUA
Appii Claudii, inventa Aretii, cum tali inscriptione:

APPIUS CLAUDIUS C. F. CAECUS, CENSOR,
COS. BIS DICTATOR, Interrex III. Pr. II. Aed. Cur.
II. Q. Tri. Mil. III. Complura oppida de Samnitibus ce-
pit, Sabinorum & Tuscorum exercitum fudit, pacem fie-
ri cum Pyrrho rege prohibuit. in Censura viam Appiam
stravit: & aquam in urbem adduxit: aedem Bellonae fecit.

MONSTRI.

*Hac Petrus Paulusq; uno sub corpore vini
Fabrica natura mira jacemus humo.*

AD RIPAM ARNI, INFRA
novum palatium.

Ossa equi Caroli Capelli legati Veneti.

*Non ingratus herus sonipes memorande sepulchrum
Hoc tibi pro meritis, hac monumenta dedit.*

Obsessa urbe anno 1530. 3. Id. Martii.

EPIGRAMMA BIBLIOTHE-
ca Medicea.

Deo, præsidib. familiæ. Divus Clemens VII. Medices
P.M. libris opt. studio major. & suo undique conquisitis,
bibliothecam ad ornamentum patriæ civiumq; suorum
utilitatem d.d.

Hanc bibliothecam Cos. Med. Tuscorum magnus Dux
perficiundâ curavit. Anno Dn. M. D. LXXI. III. Id. Julii.

ITEM.

*Cosmus in has ades meliora volumina xóσμῳ
Transtulit, & primas quas habet orbis opes.
Sic genuit tandem sterili de nomine Cosmus,
Rem sibi tum mundo calitibusq; parem.*

IN CALCE PANDECTARUM
Florentinarum legitur:

Ego Marsilius Ficinus interfui, dum hoc reperiretur
opus: idque manu propria scripsi die 9. April. Anno Dn.
1496. Petro Bernhardo de Bernhardis sedente Vexillifero
Justitiæ.

IN SACELLO PALATII
aureis literis.

1. Animo proprio iram furoremq; sedare, atq; restin-
guere, magnæ victoriosæq; fortitudinis est.
2. Quod non licet concupisci, non licet intueri.
3. Impu-

3. Impunitatis spes maxima peccandi illecebra.
4. Magna in utramq; partem conscientia vis.
5. Ultra hominem quemque provehere sola probitas potest.
6. Evangelium invenit sibi domum, & Leges locum ubi quiescunt.
7. Concordiâ res parvæ crescunt, discordiâ etiam maximæ dilabuntur.
8. Reddite quæ sunt Cæsaris Cæsari, & quæ DEI Deo.
9. Omne regnum in se divisum desolabitur, & domus supra domum cadet.
10. Hoc est præceptum meum, ut diligatis vos invicem, sicut dilexi vos.
11. Virtus est vitium fugere, & sapientia prima stultiâ caruisse.
12. O præclara operum & opum mortalium beatitudo! quam cum adeptus fueris, securus esse desistis.
13. Gaudia pelle, pelle timorem, spemq; fugato, nec dolor adsit; nubila mens est, vinctaq; frenis, hæc ubi regnant.

JOAN. AUSTRIACAE MAGNAE
Ducissa Hetruria.

Hoc tumulo deposita sunt ossa serenissimæ Joannæ Austriacæ, Francisci Medicis Magni Etruriæ Ducis uxoris, cum tribus filiabus iniquo fato ante omnia præreptis, cum filiolo, qui prius mortuus erat; cum illa quondam vitales auras carperet, mœrens ad tempus posuit.

AD MARIAE NOVELLAE.
Sub horologio.

*Sic fluit occulté, sic multos decipit atas,
Sic venit ad finem quidquid in orbe manet.
Heu heu præteritum non est revocabile tempus,
Heu propius tacito mors venit ipsa pede.*

PARICAE MEDICÆ AB

Pudicitia atque prudentia non minus quàm sanguine claræ incomparabili conjugii, Philippus Strozzius mœrens, decem liberis collacrymantibus, pro tempore posuit. Vixit annos xxviii. mens. viii.

FLORENTINA.

IN PORTA CIVITATIS.

Carolus v. Cæsar Aug. cum insigni omnium Christianorum beneficio immanem archipiratam regno Tunetano pepulisset fugassetque; Siculo, Neapolitano suis regnis constitutis; Roma profectus Florentiam, hanc portam cum magna pompa ingressus, populo cuncto præ lætitia gestiente, ab Alexandro Medices civitatis Duce, cui Margaritam filiam desponderat, illustri apparatu, Regaliq; hospitio Mediceas in ædes acceptus est, Anno Domini M. D. xxxv. Id. Maji.

IN S. MARCI.

ANGELI POLITIANI.

*Politianus in hoc tumulo jacet Angelus, unum
Qui caput & linguas, res novæ, tres habuit.*

Obiit an. 1509. Septemb. 24.

*Angelus hic clausit cineres varia arte politus,
Ut vix inveniat Ausonis ora parem.*

PONTIFICIS IN CONCILIO
Constantiensi dejecti.

Balthasar Cossa, olim Joannes xxiii. obiit Florentiæ, anno Domini 1419. xi. Kal. Januar.

Antonio Strozze, Cæsarei sacriq; Juris consultiff. ac de Rep. bene merito, Antonia Vesputia uxor P. vixit annos 68. obiit 4. Id. Jan. 1521.

AD PORTICUM MERCATORUM.

Cosmus Medices Florentiæ Dux, publicæ magnificentiæ & salubritatis ergo porticum transverso columnarum ordine undiq; permeabilem, adversus cæli contumeliam negotiantibus in foro civibus suis extruxit. 1548.

AD S. FRANCISCUM SUB EFFIGIE
Marcelli Virgilii.

*Suprema nomen hoc solo
Tantum voluntas jusserat,
Poni, sed hanc statuam pius*

Erexit

FLORENTINA.

III

*Erexit haeres, nescius
Fama futurum & gloria
Aut nomen, aut nihil satis.*

IN LAPIDE SEPULCRI.

Marcellus Virgilius Reip. Florent. Secretarius, sibi, uxoriq; suæ, & posteris posuit. Vixit an. LVI. menses VI. dies XXVII. Obiit v. Cal. Decemb. An. M. D. XXI.

LAPIS ANTIQVUS INTEGER APUD
nobilem quendam Florentinum.

Q. Fab. Maximus, Dictator. bis Cos. v. Censor, interrex. II. æd. cur. Q. II. TR. Mill. II. Pontifex, augur. primo consulatu Ligures subegit, ex iis triumphavit. tertio & quarto Hannibalem compluribus victoriis ferocem subsequendo, coercuit; Dictator Magistro equitum Minutio, quo jus populus imperiū cum Dictatoris imperio æquaverat, & exercitui profligato subvenit, & eo nomine ab exercitu Minuciano pater appellatus est. Consul quintum Tarentum cepit, triumphavit. Dux ætatis suæ caustissimus, & rei militaris peritissimus habitus est. Princeps in Senatum duobus lustris lectus est.

A L I U D.

Zenobius Episcopus hic situs erat, quo in coelites relato, sepulcrum ad sacerdotes templi hujus transiit, quod Cosmus Med. II. Dux marmoreo pavimento instaurari curavit.

Quiescimus, domum hanc cum adimus ultimam.

A L I U D.

*Si tibi quos patria & virtus Lape maxime fasces
Tradidit, exilio perdidit invidia;
At tua non odium, non mors, non tempora possunt
Perdere, qua reparat nomina clara Nepos.*

PROPE TEMPL. S. CRUCIS.

Henricus IV. Roma rediens coronatus, infestus Florentinis, quod coronationi suæ obstitissent, rogatus ab exulibus, quorum princeps erat Dantes Poëta, urbem ob-

sedit, ab ea parte quæ est ad septentrionem: atque cùm vidisset ædificiis intentam civitatem (præcipuè autem id testatur palatium Cocchiorum, quod noctu etiam struebatur funalibus accensis) post quadragesimum diem soluta obsidione discessit. 1313. Kal. Octob.

AD ANGELI.

Hic condita sunt corpora sanctorum Martyrum Proti, Hyacinthi & Nemesii. Clariss. viri Cosmus & Laurentius fratres neglectas diu sanctorum reliquias Martyrum, religioso studio, & fidelissima pietate suis sumptibus his aureis loculis condendas colendasq; locarunt.

VERSUS,

In aditu montis Fesulani, in quodam conclavi
manu Politiani scripti:

*Mifero quello, chi da persona vile
Nasce di cor magnanimo & gentile!*

LAPIDIS IN ADSCENSU FESULANI.

Super hanc, ut fertur, petram, ab infidelibus Fesulanis decollabantur Christi Martyres: ob hanc ergo devotionem & reverentiam hic collocata fuit. Anno Domini M. D. LXVI.

AD S. MARIAM NOVELLAM.

Ἰώσηφ ἐλέει δὲ Ἀρχιεπίσκοπὸς Κωνσταντινοπόλεως
Νεῆς ῥώμης καὶ οἰκουμένικὸς πατριάρχης.

*Ecclesia antistes fueram qui magnus Eos,
Hic jaceo magnus relligione Joseph.
Hoc unum optabam miro inflammatus amore.
Unus ut Europa cultus & una fides.
Italiam petii, fœdus percussimus unum:
Juncta q; Romana est, me duce, Graja fides.
Nec mora, decubui, nunc me Florentia servat,
Qua tunc concilium floruit urbe sacrum.
Felix qui tanto donaret munere vivens,
Qui morerer voti compos & ipse mei.*

ALIUD.

A L I U D.

Hugoni Ottonis III. Imp. affini ac Comiti, Marchioni Brandenburgensi, Hetruriæq; præfecto, qui D. Benedicto hæc olim, & sex alia cœnobia condidit. Pii hujus loci Monachi de se bene merito sepulcrum vetustate attritum instaurarunt. Anno salutis 1481. H. M. H. N. S. Obiit anno salutis M. LXII. Cal. Januar.

A D S. C R U C I S.

*Siste, vides magnum qua servant marmora vatem,
Ingenio cujus non satis orbis erat.*

Quæ natura, polus, quæ mos ferat, omnia novit:

Carolus ætatis gloria magna sua.

*Aufonia & Graja crines nunc solvite Musæ,
Occidit heu vestri fama decusq; chori.*

I B I D E M.

Postquam Leonhardus è vita migravit: historia luget: eloquentia muta est: feruntq; Musas tum Græcas tum Latinas lacrymas tenere non potuisse.

I B I D E M.

Michaëli Angelo Bonarotio, è vetusta Simoniorum familia: sculptori, pictori, & architecto: fama omnibus notissimo, Leonhardus patruo amantiss. deq; se opt. merito, translatis Roma ejus ossibus, atq; in hoc templo major. suorum sepulcro conditis: cohortante sereniss. Cosmo Medices magno Hetruriæ Duce, P. C. Anno salutis 1570. Vixit ann. 88. m. 11. d. 15.

A D A N N U N C I A T A E.

Ludovicus Gonzaga II. Marchio Mantuæ, Petro Tonali, suisq; posteris, ob summam in eum benevolentiam, ejusq; in templo, quod cernis, ædificando diligentiam, sepulchrum hoc concessit. Anno 1477.

H

IN FORO.
JUDITHAE.*Exemplum salutis pub. 1495.*

MERCURII.

Quo vincas, clypeum do tibi casta soror.

MINERVAE.

Tuta Jove, ac tanto pignore lata suar.

CUPIDINIS.

Fratris ut arma geras, nudus ad astra volo.

MARTIS.

*Te, fili, si quis laferit, ultor ero.**Benevenutus Cellinus civis Flor. F.
Anno 1553.*

IN PALATII VESTIBULO.

*Ingressa auspiciis hanc urbem, diisq; secundis
Casaris invicti Augusti pulcherrima proles:
Nunc iisdem subeas hac limina & aurea tecta.
Adventu ecce tuo latantur, & omnia rident.
Hic redimita olea crines pax alma corona,
Et secura quies, & cetera numina lato
Te vultu accipiunt venientem, & fronte serena.
Omnes & votis optant, & voce precantur,
Sis felix, ad sisq; tuo cum conjuge virgo:
Æternum imperium vigeat, nomenq; decusq;.*IN AULA PALATII MAGNA, QUÆDAM
quasi Chronologia est rerum à Floren-
tinis gestarum.*A Christo nato 1010. Fæsulæ in partem Urbis adscitæ
Anno dn. 1306. Muscelana prætura nobilis.
Anno sal. 1403. Flaminia nostræ ditionis.
Anno sal. 1440. Puppium Caufentini agri caput.
Anno dn. 1342. Piscia oppidum adeo fidele.
Anno sal. 1350. Pratum oppidum specie insigne.*

Anno

Anno dn. 1369. Prætura Arnensis inferior.

Anno dn. 1331. Pistorium urbs socia nobilis.

Post partum Christi an. 400. Florentia, Gothorum impetu fortissimo retuso, Rom. victoriam præbet.

Anno ante Christum natum 20. Tribus cœptæ. Florentia Romanor. colonia à triumviris deducitur.

Post partum virginis 1265. Florentini cives à Clemente I v. Ecclesiæ defensores appellantur.

xxi v. Civitates Hetruriæ optimo Principi: constituta civitate: aucto imperio: & pacata Hetruria: S. P. Q. F. Opus jussu Cosmi cœptum: à Christi ortu 1563. Perfectum à materia, à pictura, à reliquo ornatu: ann. duobus, mensibus tribus.

Anno 1433. post ortum Christum, Eugenio I v. Pont. Max. urbe sedeq; pulso: refugium est paratum.

Post ortum Christum Anno 1283. civibus, opibus imperio florens, latiori pomœrio cingitur.

Post partum Virginis an. 1010. Florentia Fæularum ruinis.

Anno sal. 1254. Volaterra, Tusciæ urbs celeberrima.

Anno sal. 1338. Geminianum & Collis oppida.

Anno dn. 1376. Certaldensis prætura amœniss.

Anno sal. 1197. Ager Clantius, & ejus oppida.

Post partum Virginis 1509. Pisani comœtu & spe excluduntur.

Ann. à Christi ortu 1498. Veneti Pisarum defensores victi.

Hum. sal. an. 1500. Galli auxiliares repelluntur.

An. dn. 1509. Tandem læta victoria venit.

An. dn. 1499. Vicum Florentinū milites irrumpunt.

A partu Virg 1495. Cæsena vi solida expugnatur.

A Christo nato 1494. S. P. Q. F. Pisanis rebellibus magno animo bellum indicit.

Ab hum. gen. salut. 1553. Prælium acre ad monasteriū.

Ab hum. gen. sal. 1553. Bellum cogitantes prævenit.

Post partum virg. 1554. Cassili oppidi expugnatio.

Post partum virg. 1555. Exitus victis victoribusq; felix.

Post partū virg. 1554. Mons Regionius vi expugnatur.

Post partum virg. 1554. Galli rebellesq; prælio cedunt.

FLORENTINA.

Post partum virg. 1554. publici hostes terra arcentur.
 Anno sal. 1440. Burgum Umbriæ urbs & Anglaria.
 Anno sal. 1297. Prætura Arnensis superior.
 Anno sal. 1412. Cortana Pollitianumq; oppida clara.
 Anno sal. 1381. Arctium nobilis Hetruriæ urbs.

 IN AULA SUPERIORI AD
 imagines Heroum.

*Natis exemplum Decius. sum victima Romæ.
 Scipio sum. vici Hannibalem, Pœnosq; subegi.
 Sum Cicero. tremuit nostras Catilina secures.
 Brutus ego assertor patriæ, regumq; fugator.
 Uro manum spretis errantem Scævola flammis.
 Hoste fero caso victricia signa Camillus.*

 REGIS DAVIDIS VETU-
 stis. statua.

Contra hostes patriæ terribilissimos, fortiter dimican-
 tibus, Deus victoriam præstat.

 IN PALATIO PYTHIO.
 Publicæ commoditati.

 Ibidem, muli epitaphium.

*Letificam, lapides & marmora, ligna, columnas
 Vexit, conduxit, traxit, & ista tulit.*

 AD S. SPIRITUM.

Hoc quod vides Sacellum variis nobilibus marmori-
 bus ab Ægypto usq; Angliæq; adductis, constructum, Ba-
 ptista Cavalcantes, Thomæ F. religionis ergo, maxumis
 cum sumtibus ædificandum curavit. Anno Domini 1562.

I B I D E M.

Thomæ Cavalcanti, civi Florentino. Qui cum summæ
 nobilitati summas divitias addidisset, non solum merca-
 turam singulari fide, sed etiam Rempub. singulari pru-
 dentia

dentia gessit. Cumq; ann. 74. explevisset, Florent. 11. Kal. Quinct. vitam cum morte commutavit. An. Dn. 1560. Baptista f. parenti opt. cariss. P. C.

AD CARMELITAS.

Juliano Pistoro Pratenſi, Carmelitæ, suo Provinciali optimè merito, lugentes posuere. Qui quantum in Physica ac mathematicis disciplinis omnibus, præcipuè in Astrologia valuerit; non Senæ, Pifa, aut Florentia tantum, ubi annis non minus 22. professus est; verum totus terrarum orbis agnovit. Vixit an. 64. menses 5. dies 11. ☉. 7. Xbr. 1556.

AD MARIAE DE FLORE, IN
circo medii fani.

Sylvester Medices H. A. D. Q. qui ita de repub. domi forisq; meritis est, ut & equestri ordine, & ampliff. donis & loco sepulturæ, maximo consensu civitatis decoratus sit. Anno sal. 1388. Vixit annos 62. menses 8. d. 12.

IBIDEM:

Ad effigiem Dantis.

*Qui calum cecinit mediumq; imumq; tribunal,
Lustravitq; animo cuncta Poëta suo,
Doctus adest Dantes, sua quem Florentia sæpe
Sensit consiliis ac pietate patrem.
Nil potuit tanto mors sæva nocere poëta,
Quem vivum virtus, carmen, imago facit.*

ALIUD.

Multum profectó debet Musica Antonio Squarcialupo Organistæ. Is enim ita arti gratiam adjunxit, ut quartam sibi videretur Charites Musicam adscivisse sororem. Florentina civitas grati animi officium rata ejus memoriam propagare, cujus manus sæpè mortales in dulcem admirationem duxerat. Civi suo M. P.

AD D. MARCI.

D. O. M. Antonio Vidotto, ob pacem inter Anglor. & Francor. Reges confectam, ab Edoardo VI. equestre gra-

dum, ab utrisq; insignia munera consecuto, in patria ab opt. Duce Cosmo in 48. virorum numerum cooptato: Volaterris demum prætura & vita functa, gentiles ejus, absentibus filiis P.P.⊙.4. Kl. Decemb. anno 1555. Vix. an. 63. m. 6.

IBIDEM.

Jo. Maria Panlotius heic situs est domo lugubri, J. C. celeberrimus. qui cum operam diu navasset Duci Urbinati principi suo, & in aliis Italiæ urbibus plurimorum controversias summa cum laude dijudicasset: accersitus postremum a Cosmo Medice Duce Florentinorum ac Senens. primum in 17. Rotæ Judicibus fuit: deinde causis audiendis præpositus. eo in munere cum valde probatus foret omnibus, vitam amisit. Antonia Berna mærens, conjugii cariss. P.⊙.4. Kl. Jan. Anno Domini 1565. Vixit an. 62. m. 2. d. 20.

AD ANNUNCIATAM.

Angelus Martius Assisensis Episcopus, ac J. C. a secretis augustæ Medicum domus, illiusq; alumnus, & in eam ob probitatem fidemque adscitus, hoc sibi vivens sepulchrum confecit, defunctus ut sibi vivat, cum ante mortem amicis vixisset. Anno 70.⊙. an. dn. 1546.

IBIDEM XENODOCHII EPIGRAPHE.

*Virginis intacta cum veneris ante figuram,
Prætereundo cave, ne sileatur Ave.*

IN LAURENTII.

*Si merita in patriam, si gloria, sanguis, in omni
Larga manus, nigra libera morte forent:
Viveret heu patria casta cum conjugio felix,
Auxilium miseris, portus, & aura, suis.
Omnia sed quando superantur morte; Joannes
Hoc mausoleo, tuq; Picarda jaces.
Ergo senex mæret, juvenis, puer, omnis & atas,
Orba parente suo patria mæsta gemit.*

Cosmus & Laurentius de Medicis, Joanni
Averrardi F. & Picardæ Adovardi F. ca-
rissimis

rissimis parentibus, hoc sepulchrum faciendum curarunt. Obiit autem Joannes. Cal. Mart. M. CCCC. XXVIII. Picarda veró XIII. Cal. Majas, quinquennium post é vita migravit.

IN MARIAE ANNUNCIATAE.

Quod novisse juvabit, perlegant omnes.

Leo X. Pont. Max. Florentinus, pius in Deiparam virginem, ac benignus in patriam, Divæ Annunciatae sacellum, magno quondam ære á majoribus suis familiae Mediceæ in hac æde constructum, miraculorum, & cœlestium gratiarum copia toto orbe celebratissimū, Pontificiis donis perpetuò honestaturus, simulq; ad ipsam confluentium saluti pientissimè consulens, motu proprio, Christicolis universis cōfessis sacellum visitantibus qualibet die Sabbati, mille annos & totidē quadragenas, & singulis ejusdem Virginis, nec non Nativitatis Domini celebritatibus, ac Veneris, Sabbatiq; diebus majoris hebdomadæ duo annorum, & quadragenarum millia de injunctis eis pœnitentis Apostolica auctoritate relaxat: omnium insuper, quæ in eo fundentur, precum participes eos decernit, qui sua, vel aliena manu, si ritè impediatur, pro defunctorum etiam expiatione nonnihil prædictæ aræ piè erogare curaverint. Dat rursus peccatorum plenariam indulgentiam per se, vel alium, verè scilicet impeditis, visitantibus idem sacellum á primis vespers, & die tota natiuitatis ejusdem Divæ Mariæ, pro facultate tamen facta oblatione Priori loci, & ab eo decernendis fratribus, potestate concessa diebus octo absolvendi quoscunque, ab excessibus omnibus, iis, quæ in bulla cœnæ Domini continentur, exceptis, & præter quatuor commutandi quæcunque vota hoc absolutionis beneficio gaudent, eodem tempore accersito ad se Sacerdote, qui á personali sacelli visitatione legitimè præpediuntur, sua tamen ad id munera dirigentes eadem in peregrinos Prior utetur facultate, iis etiam porrecto Eucharistiæ Sacramento, quotiens oportuerit. Quæ legisti, ea non abolenda concessit Leo perpetuò duratura, Anno Christianæ salutis M. D. XIII. sexto Cal. Maji.

H iij

AD IMUM ARNIPONTEM IN
 arcu triumph.

*Qua tam praeclara nascetur stirpe parentum
 Incluta progenies digna atavisq; suis.
 Hetrusca attollet quantis se gloria rebus,
 Conjugio Austriaca Mediceaq; domus.
 Vivite felices. non est spes irrita. namq;
 Divina Charites talia voce canunt.*

SUPRA MAGNAM PALATII POR-
 tam ad sponsam Austriacam.

Ingredere opt. auspiciis fortunatas aedes tuas, augusta virgo, & praestantiss. sponsi amore, clarissimiq; Ducis sapientia, cum bonis omnibus deliciisq; summa animi securitate diu felix & laeta perfruere, & divinae tuae virtutis, suavitatis, foecunditatis fructibus publicam hilaritatem confirma.

IN AULA MAGNA EJUS-
 dem palatii.

Has aedes, atq; aulam hanc, tecto elatiori, aditu, luminibus, picturis, ornatuq; augustiori, in amplio rem formã decoratam, dedit Cosmus Medices illustriss. Florent. & Senar. Dux, ex descriptione atq; artificio Georgii Vasarii Aretini pictoris atq; architecti. 1565.

AD MARIAE. EPITAPHIUM SEVERINI
 Norbii Equitis aurati, Dani.

*Oceanum hostili toties qui sanguine tinxit
 A gelida Thyales littore ad usq; Cronum,
 Quem non immeritò Sclavi, Suediq; Gothiq;
 Vandaliaq; urbes extimuerunt ducem:
 Norbius Etrusco jacet hic Severinus in antro,
 A Florentina missus in astra pila.
 Barbarus ille nequit captivum extinguere Moscus,
 Mergere non mediis Ennosigaus aquis!
 Debit in Latio, velut orbis in arce perire,
 Tanta viri ut virtus undiq; nota foret.*

FLORENTINA.

121

IN CARTHUSIANO.

*Donatus nomen, patria est Florentia, gens mi
Acciajola domus. clarus eram eloquio.
Francorum ad regem patria dum orator abirem,
In Ducis anguigeri mœnibus occubui.
Sic vitam impendi patria, quæ me inde relatum
Inter majorum nunc cineres sepelit.*

IN CECINIANO:

Aonii Palearii.

*Quem Thuscus Cecinna olim possederat agrum,
In signem latè frugibus & pecore,
Hernicus Aonius longo post tempore cultu
Longè auctum antiquo restituit gemio.*

FONTIS AGANIPPES.

*Quem pellucidula manantem cernitis unda,
Fons hic muscosis obsitus iret aquis,
Nì Thuscus properè colles visura tulisset
Cecinna campis Hernica Nais opem.
Deduxit rivus, ne quisquam diceret hortos
Hesperidum posthac esse, sed Aonidum.*

H v

